





জি ন জি নি

ব্রজেন্দ্রকুমার সিংহ

প্ৰান্ত
বিচিত্ৰা

সংকলন

আগরতলা

J I N J I N I
QUATRAINS IN BISHNUPRIYA MANIPURI
BY BROJENDRAKUMAR SINHA
COPYWRIGHT : AUTHOR

পয়লা প্রকাশ : আগরতলা বইমেলা (২৭ মার্চ) ১৯৯৫

প্রকাশক : দেবানন্দ দাম, জ্ঞান বিচিত্রা,
১১ জে বি রোড, আগরতলা ৭৯৯০০১

প্রচ্ছদ : অপরেশ পাল

ছাপানি : জ্ঞান বিচিত্রা প্রেস, যোগেন্দ্রনগর, আগরতলা

দাম : রূপা দশহান

শ্রীশ্রীসাধুঠাকুরর জন্মতিথি উদ্‌যাপন
সমাজে জনপ্রিয় করানিঃ
যে গিরকগর অবদান
শ্রদ্ধাল স্বীকার করিয়ার
ও

শিলঙ মণিপূরী এসোসিয়েশনর একনিষ্ঠ সেবক

শ্রীযুত যোগেন্দ্রলাল সিংহরে

ସାମ୍ବଲପୁର ଜାତୀୟ ଶିକ୍ଷା କେନ୍ଦ୍ର, ସାମ୍ବଲପୁର
ଅନୁଷ୍ଠାନିକ ମାଧ୍ୟମିକ ବିଭାଗ
ସାମ୍ବଲପୁର ଜାତୀୟ ଶିକ୍ଷା କେନ୍ଦ୍ର
ସାମ୍ବଲପୁର ଜାତୀୟ ଶିକ୍ଷା କେନ୍ଦ୍ର

୬

କଟକର ଜାତୀୟ ଶିକ୍ଷା କେନ୍ଦ୍ରରୁ ପ୍ରାପ୍ତ

କଟକର ଜାତୀୟ ଶିକ୍ଷା କେନ୍ଦ୍ରରୁ ପ୍ରାପ୍ତ

লেখকৰ আৰ আৰ লেৱিক

চক্ৰবৰ্তী

লেহাও ফুলগৰে

এলাৰ খুৎতল

ধুবপদ

মেৱাক সেৱাক

কন্ঠগিৰো

পুংলল

মেইকেই

বিৱহী যক্ষৰ এলাহান

পোৱেই (সম্পাদনা)

ed. Bishnupriya Manipuri Language & Literature

ধনঞ্জয় ৰাজকুমাৰৰ লেৱিক

ৰুবাইয়ত-ই ওমৰ খৈয়াম

ডিগল আতহানল মোৰে

মিকুপৰ চেৱী ফুল

হপনৰ বাবুয়ানি

କଞ୍ଚିତ୍ତ ହାତ ହାତ ଚକ୍ରାନ୍ତ

କାବ୍ୟ

ହାତ ହାତ ଚକ୍ରାନ୍ତ

କାବ୍ୟ

କାବ୍ୟ

କାବ୍ୟ

କାବ୍ୟ

କାବ୍ୟ

କାବ୍ୟ

କାବ୍ୟ

(କାବ୍ୟ)

କାବ୍ୟ

କାବ୍ୟ ହାତ ହାତ ଚକ୍ରାନ୍ତ

କାବ୍ୟ

କାବ୍ୟ

କାବ୍ୟ

କାବ୍ୟ

ভূমিকা

লৌরিক এহান শ্রীমতী শোভা সিংহর উৎসাহ, শ্রী স্মৃতিকুমার সিংহর তাৎখা সাহায্য বার ডাঃ অশোক সিনহার পাংকালল নিকুলিল। জ্ঞান বিচিত্রার সম্পাদক শ্রীদেবানন্দ দাম গিরকর সহানুভূতি পাহুরিলহান নাগৈ। শ্রীপরিমল সিংহই পান্ডু-লিপিহান হংকরানিং য়োঁঅছিল। থতার কৃতজ্ঞতাল আকগরো ঋণ হুজে নুয়ারতো।

৩দিলীপ কুমার সিংহ, ৩উত্তম কুমার সিংহ বার ৩অধ্যক্ষ প্রসন্ন-কুমার সিংহ গিরক স্বর্গে থায়া মুকসি দিতারাহান দেহোঁরি।

ত্রিপুরা বিধান সভার মাননীয় অধ্যক্ষ শ্রীবিমল সিংহ গিরকে মি যেহান ইকরলোঁ হবা পার। গিরকর উৎসাহ লৌরিকহান লেহে পাউরি।

লৌরিক এহানর কবিতা এতার নাঙ নাদলু। গিরিগিথানিয়ে পাকরতে নাঙ দিয়া পাকরে দিবাং। আর য়ারি ডিগল নাকরিং।

—ব্রজেন্দ্রকুমার সিংহ

কিন্দীভূ

গান্ধীজী, শ্রী. হারমণ্ড. চক্ৰবর্তী. ভাষা. হিমালয়. দ্বারা. কল্যাণ.
কল্যাণ. দ্বারা. কল্যাণ. দ্বারা. কল্যাণ. দ্বারা. কল্যাণ. দ্বারা. কল্যাণ. দ্বারা.
কল্যাণ. দ্বারা. কল্যাণ. দ্বারা. কল্যাণ. দ্বারা. কল্যাণ. দ্বারা. কল্যাণ. দ্বারা.
কল্যাণ. দ্বারা. কল্যাণ. দ্বারা. কল্যাণ. দ্বারা. কল্যাণ. দ্বারা. কল্যাণ. দ্বারা.
কল্যাণ. দ্বারা. কল্যাণ. দ্বারা. কল্যাণ. দ্বারা. কল্যাণ. দ্বারা. কল্যাণ. দ্বারা.
কল্যাণ. দ্বারা. কল্যাণ. দ্বারা. কল্যাণ. দ্বারা. কল্যাণ. দ্বারা. কল্যাণ. দ্বারা.

কৃতজ্ঞতা স্বীকার

লোরিকহান নিভুল করে ছাপানিরকা আপ্রাণ চেষ্টা করেছি
গিরিগিথানী, পান্ডুলিপিত শ্রীদিলীপ চৌধুরী, প্রুফ চানাত
শ্রীসমরজিৎ সিংহ এবং ভাষাহান হারনাপেয়াও নিষ্ঠাল কাম করেছি
জ্ঞান বিচিত্রার কমণী বেইবুনি এবং অন্যান্য যেতায় লোরিকহানরে
বিন্দুমাগ্ন সাহায্য করেছি, তানুরে মর আন্তরিক ধন্যবাদ এবং
কৃতজ্ঞতা জানাউরি।

হাৰমণ্ড চক্ৰবৰ্তী

১

এতা হাবি জিনজি নি আমি থাইতেগা ।
জোনাকহানৌ কিয়া গজে কাইতেগা ॥
আমারেল নাইলেতে আধার অয়া থাক ।
হাদিৎ তি গজে কায়া নাঙ পানা নাক ॥

২

মাতের কালিরা মেঘে গুরে দিয়া বেলি ।
—‘পাংকাল আমারাঙো আছে পেলি পেলি’ ॥
খানি থায়া মেঘ চাকা মাঙর কুরাঙ ।
মানুহানে বেলি পেয়া অইলাতা সাঙ ॥

৩

বউ হানে থউকরে দের দাবানল ।
পিলিক পিলিক লেম আছে কতি সল ॥
তারে আয়া ফুহানাৎ নিবাদের নাই ।
মাতের— ‘ভাঙর সায়া মূঙে তি নাথাই’ ॥

৪

বাসা নুয়ারিয়া কুড়ি মাতের কাদিয়া ।
—‘ফুলগ চালাক করে নাউরিতা কিয়া’ ॥
ফুলগই মাতের তা —‘শাতইলে আর ।
জঙানির পরহান দরেইতে নার’ ॥

৫

ছেয়াগই মানুগরে মাতের—‘গিরক ।
মারুপগ অয়া মিহে অছু তোর লগ’ ।
মানুগই মাতের—‘হে ছেয়াগ ইতাও ।
ঙালে থার ; আধারে তি নেই ডাহিয়াউ’ ॥

হুঁনাই মাতের লুয়া—‘তিতে কতি কালা ।

তিয়ো দরা, দরা অছি তোর দারা নালা’ ॥

লুয়াই মাতের—‘দরা অয়া সংসার ।

দরে দেছ, কচ, বার কঙালাল নার’ ।

৭

মাতের কুমাড়া ফুলে—‘চেই আগ মিয়ো ।

ফুলডাল গিঠতেগা মোরে তুমি দিয়ো ॥

বকুল লেহাও যুথী—এতা ফল থাঙ ।

হুঁরু হুঁরু অয়া ইমে পাছিতাক নাঙ ॥’

মালিনীয়ে মার্তিরিতা—‘হে গিরক হুঁন ।

হুঁরু অইলেউ তানু জিঙেছিতা গুণ ॥

উহানে তানুর তাহে আছেতা আদর ।

গারিগণ গুণ নেয়া লাহুলে কাদর ॥’

৮

মাদানে রামর ধনু মাতেরতা—‘ঙাল ।

মি পালয়া আছ, হাগে, অয়া যাগা আল ॥’

মিঙালে মাতের—‘ধনু ! গালা য়াকরুঁরি ।

তি পালইবেতা মোরে দুরেই নাকুরি ॥’

৯

‘ফুল তোর হবাহান আছেতা কুরাঙ ।

মাতে দেনে হারপেয়া অঙ মিতে পাঙ ॥’

ফুলগই মাতেরতা—‘তোর মনহানে ।

কিহান সাকতি বার কিতা হবা জানে ॥’

২

গারিগই মাতেরতা—‘হে নুয়ারা পার্নি ।
 চেই কতি তোমারেল পাছু হিন হানি ॥
 তানু মাততারা—‘গারি তোর বারতনে ।
 তোরাঙ অতিথি আমি অছি ঘনে ঘনে ॥’

১১

গুয়া জারে মাতেরতা—‘মিতে কতি উচ ।
 এরে মাতুরিতা হাগ ! গজেৎত গুছ ॥’
 নাজানিয়া হাগহান কতি গজে আছে ।
 আমার এ গুয়াজার ডাঙরিয়া সাছে ॥

১২

ঠুমহানে মাতেরতা—‘হে গিরক তিতা ।
 কতিয়ো থাকাং মোরে মানুহানে দিতা ॥’
 তিতাই মাতের—‘হাবি হবানেই হানি ।
 ঠুম পেইতারা বার হবা তিতা জানি ॥’

১৩

কওয়াগই মাতেরতা—‘হে তেনুয়া বাবু ।
 মাতিং বুললে মিতে পাহিয়ার মাপু ॥
 সার্জংনে, সভাহানে হাই বুলবাতা ।
 উদারি দে মাচু মোরে গজে তুলবাতা ॥’
 তেনুয়াই মাতেরতা—‘বেবার চরিত ।
 উতারে করিয়া সাজ গারিগং পিদ ॥
 কাঠি সুরিলউ কওয়া কওয়াগহে থার ।
 সার্জিয়া তঙাল সাজে গজে নাউ কার ॥

ডেঙগই মাতের—‘হে ফুংকার ছালি ।
কতিয়ো সাকতি তিতে, পাউরি মি আলি ॥’
ছালিয়ে মাতের—‘ডেঙ মূঙে তোর দিন ।
আপপানে আলি পেয়া নাপেইনে হিন ॥’

১৫

ডাকে বার করতালে লাগেছি নিয়াম ।
ভাবকে মাতলা—‘খেদো ! হেলিহিতা লাম ॥’
দ্বিয়তা অইলা বার মাননা মিচাঙ ।
ভাবকউ জলে নালে, থউপুয়ৌ সাঙ ॥

১৬

‘—টেঙারাগ উচয়া তি মাতা কিতা কানা ।
বউ বরনর হিন হবা করে পানা ॥’
—‘এতা হাবি জারিয়াহে গজে থাইতেই ।
লুকেরা ডাঙর অছি মানু আগ নেই ॥’

১৭

কললিঙে/দের কথা—‘লুয়াগর কাল ।
অছু মিতে, চেই তুমি মোর পাংকাল ॥’
‘আমি জারি হবানেয়ে কাল হাবিতারো
সাকতিয়ে হবাহান নাকরের কারো ॥’

দলাহানে মাতেরতা—‘হে গিরক কালা ।
এ তোর বিকারল তি না থানিয়ে বালা ॥’
কালাই মাতের—‘চুলে আর মি না থাও ।’
দলাই মাতের—‘ফাগি না চিনর থাও ॥’

১৯

মিতে বউ বুলুনিগ চানে স্নেইচাক ।
হে মলয়া তি নলয়া তলে অয়া থাক’ ॥
মার্তির মলয়া—‘চিক মুরুসিল আয়া ।
জিঙেছ হাবির ঠই দিয়া চিক মায়া’ ॥

২০

দরপতে মাতেরতা—‘জিঙেকুরা মোরে ।
নেয়ছি এহান তিতে হারপেয়া থরে’ ॥
কুমাড়াই মাতেরতা—‘পাঙগ নাগই ।
গাঙহান বিসারাগা মি পারাতা কই ॥’

২১

হবা করে জাপ দিয়া পহুরির পানি ।
মাতলা—‘ডাঙর দল আমি জার মানি ॥
পানিয়ে মাতের—‘অছ চেইতে নিয়াম ।
পহুরিগ গুরে দেছ উহানহে কাম’ ॥

২২

গজরাজে ঙায়া থায়া পেপুরাগ চেয়া ।
মাতের—‘তি আচুলর কতি হিন পেয়া ॥

৪৫
তোর গারিগরে জিঙে তোর ভারহান ।”

পেপুঁরাই মাতেরতা—হুন গজচান ।’

মানুর কামর ভারে হিন পার তিতে ।

মোর কাম মি করুরি এলা দিতে দিতে ॥’

২৩

মানুগই মাতের—‘হে হেইনউ জার ।

কিয়াকা আমার সালে নীঙিয়া না থার ॥’

গাছ জারে মাতের—‘তি কাদিয়া না থাই ।

খানারে মনেইলেতে গজে কায়া আই ॥’

২৪

‘গাটহান আনেছং গলেয়া দয়ারে ।

মিতে কিতা দিতু তোরে তি কিতা মনারে ॥’

গাটহানে মাতেরতা—‘আহিগির পার্নি ।

আরতার সালে তিয়ো আনেদিছ খানি ॥’

২৫

নিয়াম নুঙেই নায়া মাতের আগই ।

‘ফুলশউ এগুঁলিৎ হবাহান কই ॥’

আহিয়া মাতের ফুলে—‘দেহুয়া তি অয়া ।

মি হবা অঙনে খানি তোরতা ইলয়া ॥’

২৬

মাকুগই মাতেরতা—‘গিরক কোকিল ।

তি দ’র এলার সুরে রস পানা চিল ॥’

কোকিলে মাতের—‘এতা রসিক উগই ।

হুনক বুলিয়া মিতে লাগেছুতা গই ॥’

‘মিতে রাজ কুমাড়াগ মোরে মান হানে ।
 হাবির গজর ফিটা দিতারাতা চানে ॥’
 চারহানে মাতেরতা—‘লয়নির পরে ।
 খাঙে তোরে যামবুঙ, জিৎ বার মোরে ॥’

২৮

বরেই জাররে চেয়া মিয়াংপা জারে ।
 মাতের—‘কতিয়ো তিতে উচহুং তারে ॥’
 বরেয়ে মাতের—‘আছি মোরাংত উচ ।
 উতা দেহানির পিছে পড়তেই বুজ ॥’

২৯

পাংকালে মুরগরে মাতেরতা—‘খুড়া ।
 বুকুর আগু তিতে অইতেই গুড়া ॥
 তোরে জিঙে মিতে ।’ মুরে মাতেরতা তারে ।
 ‘মোরে গুড়া কর গিরি, চা, কুরাঙ খারে ॥’

৩০

ইরুফিয়ে মাতেরতা—‘দাদা ফেইচম ।
 রঙে মঙে চেইতেগা তিতে খানি কম’ ॥
 ফেইচমে মাতেরতা—‘কুমের সভা ।
 ষেগই করের ওল উগই হে হবা’ ॥

৩১

মেকুরাই মাতেরতা—‘হে উদুরা উদা ।
 মানদুর কথাল আমি থিনা হুদা হুদা ॥
 আই ম্‌ঙে, নাল্‌কেই ইতাও আপাও’ ।
 উদুরে মাতের গাতে উদা অয়া থাও ॥
 য়েকনাপাগই নার জনমে মারদুপ ।
 বিতরর কমা তোর নাছু থাও উপ ॥

‘হে আশা তি ম্‌ঙে অয়া হিন নাদি আর ।
 তোরে চেয়া না জিরেয়া বহিয়ার ভার’ ॥
 আশাই মাতিরি—‘ম্‌ঙে মোহিনীগ অয়া ।
 আছু আরো না ঠুয়ছ ভারহান বয়া ॥

বরনে মাতেরতাতে—‘হাবিহানে জানি ।
 হে সাগর তোর গারি নুনটুকা পানি’ ॥
 সাগরে মাতের—‘তোরে দেছু পানি ঠুম ।
 চেলঠা কররহান অছে কতি চুম’ ॥

‘হিন হানে মাতেরতা—‘কই হে নুঙেই ।
 মানুহান তোর মালে অছি পরলেই ॥
 নুঙেয়ে মাতের—‘হিন আজি তোর পালি ।
 তাপদুগ বৃজিয়া মিতে আহিতউ কালি ॥’

জারহানে মাতেরতা—‘জিৎ এগ নুঙেই ।’
 সউকরাহানরাং জিৎগ কানা নেই ॥
 জিৎগই মাতের—‘মিতে হবা করে জানু ।
 কাম পরলেহে বানা পেইতারা তানু’ ॥

‘জোনাক ! মাহান হাবি ঙালকর এনে ।
 হাদিৎ আধারে থয়া নাষেইগা, দেনে’ ॥
 জোনাকে মাতের—‘মিতে অছ আরো তাঙ ।
 লেই নায়া লুরহুতা খানি তোমারাং ॥

পুঠিগই মাতেরতা—‘হে গিরক রউ ।
 তিয়ে মিয়ে কুটুম, তি মোর ইপু থউ’ ॥
 রউগই লেজগল দিল হাটাহান ।
 দাপদিল পুঠিগউ বেলা দিয়া মান ॥

‘জোনাক হানাং চানে সাকাহান আছে ।
 কাটাসুরি আহানউ গোলাপর গাছে ॥’
 আগই মাতের তারে—‘হুনা খানি হুন ।
 না থাই চেয়া তি দোষ বিসারানে গুণ’ ॥

‘সাগরউ বাগরর পানিহান থাঙ ।
 আপপানে মানুহানে করতারা নাঙ ॥’
 সাগরে মাতের গাত—‘ডাঙর অয়া চানে ।
 তোর নাঙো মাততাই হাবি মানু হানে’ ॥

টেঙারাই মাতেরতা—‘মোরে ভগবান ।
 করেদে মেঘর টুমা মিটা আশাহান’ ॥
 বেলার আহির পানি মেঘ হাগে থায়া ।
 —‘জিরন নেয়ছে মোর টেঙারাগ নারা ॥’

81

‘মোমগ কিতারকা তি পুড়িয়া নিজরে ।
 গুল দ’র, কিংতাউ নাদতারা তোরে’ ॥
 মোমে মাতলতা—‘আগ মনারতা পানা ।
 আগই মনারতাতে ইমে দিয়া থানা’ ॥

82

কানহানে মাতেরতা—‘হুনলেতা আহি ।
 তান্দু করেছিতা উনি নাগইতা মাছি ॥’
 আহিয়ে মাতের—‘মিতে নিজে নাদেহিয়া ।
 উনির যারিল ঠাচা করতুগা কিয়া ॥’

83

হরপে মাতের—‘মোর মারুপগ কই ।
 তুলেছে বুলিয়া ফণা না চয়ক ঠই ॥’
 মাতলা হাবিয়ে তারে—‘তোরে যেকনাল ।
 মারুপ কুরাঙো নেই, দরেয়েদে সাল ॥’

88

‘হে বেলি, মাততারাতা তিতে কতি সার ।
 মি মাতিং বুললেতে না নিকুলি আর ॥’
 বেলিয়ে মাতের—‘এতা হাই কথা নাই ।
 মান্দুর কথাল তিহে আটিয়া নাথাই ॥’

90

‘রুক খুটুনিগ কিয়া খুটারতা রুক ।
 দৌহিল গতিতে নেই তোর হিন দুক ॥
 তা মাতের—‘মোর কামে না পাউরি হিন ।
 মোরে চেয়া হিনপার তিহে সারাদিন ॥’

কওয়াগই মাতেরতা—‘কিতা বুলতুক ।
 মোরে ঠিক নাপাকুরা আছি আগ দুগ ॥’
 উতা বুলে বুলে গালাদের হবা করে ।
 ভাবক নেয়ছি তাহে এলা দিল পরে ।

ডাহে ডাহে মাতেরতা রাতি বিদু তিতু ।
 ‘বৌলি এহানরে মিতে কতি গালা দিতু ॥
 লাজ পেয়া কার্লি চেয়ো নাইতই আর ।’
 বিয়ানে দেহের বৌলি বার গজে কার ॥

বউহানে উহুনিয়া বেললতা গাছ ।
 দুকগাচে মাতেরতা—‘হে চেচুরা নাছ ॥’
 যে দিন ছাগলে আয়া শ্বয়তারে খার ।
 মাতের—‘বিপদ গজে পড়িল আমার’ ॥

ময়নাই মাতেরতা—‘পাহিয়ার ঠার ।
 এবাকাতে দেনা মোর শোভাহান নার’ ॥
 চেরণয়ে মাতের তারে—‘যে ঠারউ মাত ।
 লয়ইতে গাতে হউ পাহিয়ার জাত’ ॥

মন্দূপিয়ে মাততারা হাবিরে ডাহিয়া ।
 —‘আমিও জানেছি ফর আমিও পাহিয়া ॥
 হাগেদে আমার সালে আছে বারতন’ ।
 অউতা বুলিয়া তান্ ডাকলা মরণ ॥

৫১

‘হে কড়িগ য়েবাকাউ নিকুলিছ দশ ।
 মান্য়ে য়াকরতাই বাড়তই যশ’ ॥
 কড়িগই মাতেরতা—‘অইলে উহান ।
 তোর খেলাহানউতে হাবি সুনসান’ ॥

৫২

টিনহানে মাতেরতা—‘খাপাকর বন ।
 লাহুলে জরম তোর লাহুলে মরণ’ ॥
 খাপাকে মাতের—‘আমি লেরছি তোরাং ।
 আছেতা আমার মান লেইরাগরাং’ ॥

৫৩

উল্য়ে মাতের—‘এরে মেরেক এতাং ।
 কি গ্ৰুণ আছেতা কই মোরে খানি মাত’ ॥
 মান্গই মাতেরতা—‘গ্ৰুণ বিসারার ।
 তোরাং নেরছে আরো কুরাঙো নাপার’ ॥

৫৪

নউগরে মাতলাতা পূজা করে করে
 —‘হে গিরক লালদিক গাট তোর বরে’ ॥
 মাতল বাদিয়া থঙ—‘এগ কানা নেই ।
 টেকাগং উরাদিয়া বেলেরা থদেই ॥

‘কতি বলি অছ, চেই মি বরণ বৌ
জমহান বাগে দিলু দিয়া আগ লউ’ ॥
পাহিয়াই মাতেরতা—‘বাগানিতে লেই ।
হংকর আহান তি, চা ! পারর নেই ॥’

মরুভূমিহান চেই অছে কতি সিঙ ।
কারেউ তা না মাতের পাতাহান দিঙ ॥
আগই মাতের—‘হুন উহানেহে তাউ ।
নাপাছেতা কথা আগ রসর ফুটাউ ॥

গঙালেয়া কিতারকা আছং শেফালি ।
ডেঙগৎ তিতে নাউ থাইতেই কার্লি ॥
মার্তির শেফালি —‘দিং নুংশি তোমারে ॥
যে মিকুপ থাইতউ এরে সংসারে ॥’

‘ফ্লেগ, তি কিয়া থাঙ মরানির কালে ।
হমা দিয়া নঙরতা কিহানর সালে’ ॥
ফ্লে মাতলতা— ‘ষেগ মিকুপ আহান ।
নুঙেই আরুরে দেছে তারে হমাহান ॥

ফেইচমে মাতেরতা— ‘হে বরণহান ।
 মোরে তিঙা দিয়া তোর বাডেরতা মান ? ॥
 বরণে মাতের— ‘মোরে নাদিছনে খুটা ।
 মি পড়ুরি আরো অর তোর সালে হুতা ॥”

৬০

নিয়াম নুঙেই নায়া আছে ফিঙ ফিঙে ।
 হমাহানে কিয়া থাঙ থার জিঙে জিঙে ॥
 মুকসিয়ে মাতেরতা— ‘কানখিল নার ।
 জিঙিঙ বুলের উগ নলনি মনার’ ॥

৬১

পিতারেই টুমাহানে হুনার পানিং ।
 বুরিয়া মাতের— ‘মোরে কাঠি গলে পিদ ॥’
 জিঙ্গৎ দেনাই তার গেলগাতা সাজ ।
 কালা অয়া মেইথঙ পার কতি লাজ ॥

৬২

নুয়া ফুলগরে আয়া মাতের ভ্রমরা ।
 ‘কাদাৎ আহিলে তোর অউরিতা বরা ॥
 হুটা অয়া ফুলগই ডাহেরতা তারে ।
 মাতের ভ্রমরাগই—‘সাঙ নাছু চারে’ ॥

৬৩

রূপাহানে মাতেরতা রাঙা পইসারে ।
 —‘কিয়াকা কাদাৎ আয়া বহেছৎ তারে’ ॥
 পইসাই মাতেরতা—‘হুন কানা কড়ি ।
 তি কাদাৎ বয়া মোরে লেইতে না করি’ ॥

‘হবাগ লুকেয়া তিতে আছং কুরাঙ ।
 নাপেয়ার আমি তোরে বিসারেয়া গাঙ ॥’
 হবাই মাতের—‘মোরে দুরেয়ে না চেই ।
 আছন্ন তোর বিতরে, তি অনে, পেইতেই ॥’

৬৫

‘খইনাঙ জার তিতে লাহুলে আছং ।
 ফুল নেয়া ফল নেয়া গজেদে কাছং’ ॥
 ‘যেতা নেই উতারকা না মাতিয়া মোরে ।
 যে ছেয়াগ দেছন্ন উগ বাখান তি করে ॥’

৬৬

‘মি ঠকর কাঠি সুরি, মিতে কতি ঙাল ।
 মোরাং মতছে নাই খাটি হুনা ডাল ॥
 ‘উতাউ হুনাই তাঙ তিতে কতি অঙ ।
 তার গুণ আছে ; তোরে মিকুপর মঙ ॥’

৬৭

‘তোরে পানি পিনাহান কতিতে কঠিন ।
 হে গিরক নারিকল মান্দু দর হিন ॥’
 নারিকলে মাতেরতা—‘হিনপেয়া হুনা ।
 পেইতেই ফল যেতা হুয়াতউ দুনা ॥’

৬৮

‘আধার তি কিয়া থাঙ সংসারে থায়া ।
 মানুহান হিন দ’র রাতি রাতি আয়া ।’
 আধারে মাতের—‘মিতে আছন্ন আরো নাই ।
 মিঙালর গুণহান হবাক পারাই ॥’

আতর তারাল আহি স্বগিরে গুরিয়া ।
 মাতের — ‘বেলিরে থছু আধার করিয়া ॥’
 ‘বেলিহান না মাগছে মাগ আহি তোর ।
 আহিতারা তোরে নাই তিহে লেই অর ॥’

৭০

ডেঙগই মাতেরতা — ‘গজে আছু মিতে ।
 হে মারাগ তলে থায়া তলছৎ তিতে ॥’
 মারাগই মাতেরতা — ‘হে ডেঙ গিরক ।
 মি নায়া মিকুপে তোর নেয়র কেথক ॥’

৭১

গাটহানে মাতেরতা — ‘পহুরিগ হুন ।
 এতারেহে মাততারা কপালর গুণ ॥
 জিরেয়া আছৎ অয়া কতিরো নুঙেই ।
 বুলে বুলে ঠুরছু মি জিরনতে নেই ॥
 পহুরিয়ে কাদেরতা — ‘বয়া কতি হিন ।
 বুলর নুঙেই অয়া তিতে সারা দিন ॥’

৭২

‘কিয়াকা তি না জিরার মাতনে সময় ।
 আনার সাদে তি জিরা, নাই হই হই ॥
 সময়ে মাতের — মোর লগে তুমি আছো ।
 মিকুপ আহানো কই কুরাঙো না ব’ছো ॥

১৬

‘হে তেরাগ হারপা তি নাগই থাবাল ।
 তোর গারিগৎ নেই অমাটিক ঙাল’ ॥
 তেরাগই মাতেরতা—‘জানেছু উহান ।
 পারিল মাটিক মোর দেছু মিতে দান’ ॥

৭৪

মেংশেল টুমাহানে দের চিকারিগ ।
 ‘মোর ঙাল এহানাং মণিগতে কিগ ॥’
 আগই মাতের—‘তিতে তোর গুণ গার ।
 তি তল করিয়া মণি লেয়নিতে নার’ ॥

৭৫

দুলিপকে চিনিহানি খানা নুয়ারের ।
 ‘এতা হিল লুয়া সাং’—বুলিয়া মাতের ॥
 যেগই পাছিতা রস উগরাং চিনি ।
 উতারাং কুর্কিততা যেতাই নাচিনি ॥

৭৬

কাটাখুদুরিয়া বার হুচিকা হজক ।
 আগই আগরতাতে অছি হমাজক ।
 খালকরতারা—‘আমি কারে গণতাং ।
 আরতাই মাতরারা—‘এতা গাছ থাঙ’ ॥

১৭

‘বেঙুলগ য়াকরুঁরি দিয়র পহন ।

দোষহান আকহান— তোর কামড়ন ॥’

বেঙুলে মাতের— ‘হুনা হবা করে জান ।

হবাই সাকতিয়েহে বেইবুনিহান ॥’

৭৮

‘খবলর ফুলগ তি যুথীগ নাগই ।

অমাটিক শাৎ বাৎ গৎ তোর কই ॥

উগই মাতের— ‘জানু মিতে মোর সাদে ।

কানা নেই মানুরতা চেয়া কাদে কাদে ॥’

৭৯

আটেলে ফাছেতা ভার বুজন আগর ।

মাতের— তোমার কাম কতি লাল অর ॥’

কামিলাগি না জিরেয়া দরোছি কদাল ।

করিয়া জানানি কিতা চুম বার লাল ॥

৮০

বাহাজারে মাতেরতা —‘দুকগাচ জার ।

কতিও তলয়া তিতে থাইতেই আর ॥

কথাহানে লাজপেয়া থার দুক গাচে ।

পাহরেছে তারতাউ আকদিন আছে ॥

৮১

লুরিয়ে মাতের— ‘আমি হে মানুগ তোরে ।

ফিজেল সাজা দেছি কতি হবা করে ॥’

মানুগই মাতেরতা— ‘কুংগই থাঙ ।

তোমারে করেছি ফুঁতি লই তার নাঙ ॥

১৮

গুরিয়া লেহাও জার বন বতা লতে ।
 মাতোঁছি 'আমার সাদে আছি কই গতে ॥'
 আকদিন মানু আয়া কাপে দিলা লত ॥
 শাতর লেহাও বার বিলা বিলা গৎ ।

কলমে মাতের—'হুন কবিতা গিদেই ।
 মি নাথায়, চেহানাং তিতে লিম নেই ॥'
 চেহানে মাতের—'মোরে পাহুরানি নাক ।
 মি নাথায় হে কলম ইমে বয়া থাক ॥'
 মূকে মাতলতা—'মিতে হাবির গজর ।'
 কবিগই আহে আহে পরলেই অর ॥

'প্রজাপতি কিয়া থাও আছং নাছিয়া ।
 মিকুপ আহান আরু পাহুরর কিয়া'
 মার্তিরিতা প্রজাপতি—'পুনচি ডিগল ।
 হারউ নেয়য়া থায়া কিহানতে ফল ॥'

'আহো আহো মানুহান পাংকরো মোরে ।'
 মানুহান মাঙছিগা আগ নেই গরে ॥
 পররে থালকরিয়া লয়নিতে নার ।
 যে সাদে আছিল কাম উসাদেহে ধার ।

মি হজাক নাছ, গুমে আছে সংসার ।
 আহিগি জিপলে বেলি নাউঠিয়া থার ॥
 পাঙ মান, কিয়া থাঙ দরোছিতা কামে ।
 হিনপেয়া কিতা কানা লাম লছ, ফামে ॥

মনেইলে আমি হাবি পারিয়ার নাই ।
 না মনেয়া বয়া আছি তুঁম দেহরাই ॥
 মনেইতাঙাই দিনে মিকুপহানাৎ ।
 লই করে দিতাঙাই নায়েনে পাহাৎ

হিয়ালে মাতেরতাতে আহালাগ অয়া ।
 'কুংগ রাজাগ থাঙ মি এপেই থায়া ।
 নার সেঙ করেতা নংসা গিরক ।
 হিয়ালে আনিয়া ফিটা দেব গিরি বক ॥

চুমহানে মাতেরতা — 'বাহানে তি লাল ।
 মোর মূঙে আয়া আর নাকরি নাপাল ॥'
 লালহানে মাতেরতা — 'লালয়া লালরে ।
 পিছেদেহে আকদিন পেইতারা তোরে ॥'

হিয়ালে মাতের — 'মিতে অছ, অজাগউ ।
 পড়ুয়া আছিতা মোর ঘড়িয়াল শউ ॥
 আরতাই মাততারা — 'অজাগ যেসাদে ।
 পড়ুয়াউ উসাদেতা গুণে বার সাদে ॥'

মহাগই মাতেরতা—‘হে গিরক মাঁচি ।
জাতে কুলে আকগউ তি পারাতা নাছি ॥’
মাঁচিয়ে মাতের—‘মহা ! ইসালপা অজা ।
তিয়ো আচলুর হেক মন মজা মজা ॥’

হবা নেই মানুগই দিলে আয়া হমা ।
জানিছ কপালে তোর হিন আছে জমা ॥
ধনুকে নঙলে আয়া বিদারগা কার ।
ধরানির আগে বাঘে নাঙিয়াহে থার ॥

আহানিয়ে কাদানিয়ে ষেইধুনি ম্বিয়ো ।
আগ ম্‌ঙে থার আগ পিঠিৎ চিনিয়ো ॥
কাম নাকরিয়া ষেগ আহে আহে থার ।
আহির পানিল উগ পিছে বাহুরার ॥

হিনুপেয়া গজে কাগা গালেয়া নাগই ।
মানুরে করিয়া ভল নিজে না তলই ॥

বানুর্কর ডাটাগৎ রুক টুমা থায়া ।
ছেদার ডাঙর গাছ সুপ ভেত নায়া ॥
জাতিগই রেকনাপা অইলেতে আর ।
জিংতা অনির পথ কুরাঙো নাথার ॥

হবাগই তোরে হবা নাউ পেইলেতে ।
 হারপানি দোষহান তোর গারিয়েদে ॥
 সাকতিয়ে যেবাকাতে হবানেই পার ॥
 হারপানি তি হবাগ আরো তিক পার ॥

৯৭

নেয়ছে জোনাক হাগে, কার্দিয়াউ নেই ।
 কতি হবা আছে তেরা উতা রূপ চেই ।
 নেই উহানর সালে কাদে কাদে থানা ।
 পাছি উহানরে নার হবা করে পানা ॥

৯৮

নিজে কাম করিয়াতে দেহা নুয়ারের ।
 বাগানি মানুর কাম হবাক পারের ॥

৯৯

যেহান আছেতা আতে উহানতে লেই ।
 কার্দিয়ার উতারকা যেতা আতে নেই ॥

১০০

টেঙারাগ কানাহান কতি হিন চেই ।
 তলেদে লামানি হান নিয়াম নুঙেই ॥

১০১

কানথিয়ে জিহগইতে বেইবুনি নাই ।
 শ্বিগিগে গজে কানা সিঙয়ো দিবাই ॥
 যেগই কাকরতই উগরতা নাশ ।
 যেগই নিবার শ্বগি উগরে সাবাস ॥

২২

যাগানে বানার হুনা কাগা গাছ জারে ।
 মজা ফল আছে নেই বিসারেরা চারে ॥
 মি তলে থাইলু মোরে ডাঙরিগি দিয়া ।
 পেইলে আগলি হুর্নু তি নাহানি কিয়া ॥

১০৩

ষেগই মানু'র লাল করে দে'র ঙাক ।
 উচয়া উগতে চানে থেঙুরগা হাগ ॥
 লেউ আঠি আগ পারা লালহান চেয়া ।
 হুর্নুয়ে উভাল থার না মরেছে পেয়া ॥

১০৪

ষেগই মাতের ভাল কথাহান লেহে ।
 মারুপ বুলানি ভারে নাউ চুমছেহে ॥
 হবা নেই উহানরে ষেগ দেহুয়ার ।
 মারুপ নেয়ছি নাই তার গজে আর ॥

১০৫

মেকুরে মাগের দেই মি'য়াউ মি'য়াউ ।
 দিতারা কাটাগ হবা করে চুয়েয়াউ ॥
 বগাগই দরেরগা মাছ নিজে গিয়া ।
 খারতা চাহাম বুজে হুয়াং করিয়া ॥

১০৬

আটেলপা মানু'গই সময় নাপার ।
 কামিলাগরাং বার থানি আতে থার ॥
 আজিহান হাবিরাঙো সময় সমান ॥
 তি করর উরাহিচি কারতে কিহান ॥

১০৭

নাদলে তি হবা নেই, দিলে হবা, হাই ।
দিলে বার মাততাই — ‘এহানি অবাই ॥
থাই তারা দোষ গেয়া জনম এহান ।
উতাউ ষেগই দাতা না এরের দান ॥

১০৮

মনা ডনা তেনা চারা মাচা ছয় গই ।
দা জাঠিল সেবারিগি অছি হই হই ॥
কহাগর মাপু অয়া মনাছিতা থানা ।
থউপুর্ সালে হারি, ভাবকে না পানা ॥

১০৯

ভাঙরিয়াগই মানু হুর্নু নাকরের ।
হুর্নুগই হাবিরে তা পারাক দেহের ॥

১১০

মনেইলে আমি হাবি পারিয়ার নাই ।
না মনেয়া বয়া আছি তুমি দেহরাই ॥
মনেইতাঙাই দিনে মিকুপ হানাৎ ।
লইকরে দিতাঙাই নায়েনে পাহাৎ ॥

১১১

কাম বিসারেয়া আমি জিরাছি নাপেয়া ।
ঠুর্নুছি কামর সালে চারিবারা চেয়া ॥
থাইলে করিল কাম উঠা দিও খানি ।
লাহুলে হজাক অয়া কিয়া হিন পানি ॥

১১৯

হে আঠিগি কিসাকাতে এবাকার গাই ।
রুয়েইলে গাছ জার মিকুপে নারাই ॥
উহানেহে না রুয়াছি, পানি নাদিয়ার ।
হিনপেয়া কানা নেই জিরেয়া থায়ার ॥

১১৩

কাম বিগাকুরা মান্দু নাছি নাই যাত ।
করে কুরাগতে কই খানি করে মাত ॥

১১৪

তোরাংত হবাগই করকনে সল ।
কানানেইগর সলে নার কোন ফল ॥
মান্দুগর মাটিরকে দাম উহানর ।
হবাগই হবা পানা—উতা তালকর ॥

১১৫

খেরিয়ে খুচেয়ে চেই আকপেই আছি ।
উহানেহে লাগানিও সুপ না জিরাছি ।
ম্বিয়গিয়ে জানেছিতা আকপেই থানা ।
গজে গজে লাগিয়াউ মুলে থিনা নানা ।

১১৬

আমার কহার গজে নেয়ছে সাগর ।
গাত এগ আছি বুজে আমিহে ডাঙর ॥
জাতেয়া হাবির নার রহে রহে থায়া ।
কউলিল গজে আছি আরতাং নায়া ॥



